

SAKSPAPIR

Saksnr	Utval	Type	Dato
027/18	Formannskapet	PS	08.03.2018
021/18	Kommunestyret	PS	22.03.2018

Saksbehandlar	ArkivsakID
Ørjan Raknes Forthun	18/697

Omorganisering av IKT Nordhordland og oppstart av utgreiing knytt til ei eventuell utviding av IKT-samarbeidet

Vedlegg :

Vedlegg 1_Vedtekter - IKT Nordhordland - endring til paragraf 27
Vedlegg 2_Mandat for konseptfase - IKT Nordhordland utviding av samarbeidet
Vedlegg 3_Protokoll Regionrådet 1-2018, 31. januar

Rådmannen sitt framlegg til vedtak:

- Lindås Kommune vedtar omorganisering av IKT Nordhordland til § 27 som eit interkommunalt samarbeid med eit felles styre og i samsvar med dei nye vedtektene som er vedlagt saka.
- Lindås kommune vedtar oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

Formannskapet - 027/18

FO - behandling:

Rådmannen sitt framlegg vart samrøystes vedteke.

FO - vedtak:

- Lindås Kommune vedtar omorganisering av IKT Nordhordland til § 27 som eit interkommunalt samarbeid med eit felles styre og i samsvar med dei nye vedtektene som er vedlagt saka.
- Lindås kommune vedtar oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

Kommunestyret - 021/18

KO - behandling:

Rådmann Ørjan Raknes Forthun orienterte.

Framlegg frå Ø.Moldeklev-Frp:

Lindås kommune vedtar ikke å være med i omorganiseringen av IKT Nordhordland.

Lindås kommune vil, som en del av Alver kommune, bli så robust at en ikke trenger et større IKT samarbeid i Nordhordland.

Framlegget frå Ø.Moldeklev-Frp fekk 1 røyst og fall (Ø.Moldeklev-Frp)

Innstillinga frå formannskapet vart vedteke med 27 røyster.

KO - vedtak:

- Lindås Kommune vedtar omorganisering av IKT Nordhordland til § 27 som eit interkommunalt samarbeid med eit felles styre og i samsvar med dei nye vedtektene som er vedlagt saka.
- Lindås kommune vedtar oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

Saksopplysningar:

Saka skal til innstilling i formannskapet

Saka skal avgjerast i kommunestyret

Bakgrunn

IKT Nordhordland er leverandør av IKT tenester til kommunane Lindås, Osterøy, Modalen, Vaksdal, Meland, Radøy, Austrheim, Fedje og Masfjorden. IKT Nordhordland vart etablert i 2011 gjennom ein samarbeidsavtale der eininga vart organisert som eit § 28 vertskommunesamarbeid. Osterøy kommune er vertskommunen.

Samarbeidet har bidratt til gode og effektive IKT-tenester i regionen og samarbeidande kommunar nyter gode og effektive tenester av høg kvalitet.

Krav til digitalisering og utvikling set nye krav til organisering og utvikling av IKT-området. Dette medfører at Nordhordland må revurdere dagens organisering av IKT-området. I tillegg har andre kommunar meldt si interesse for å delta i samarbeidet til Nordhordland.

På bakgrunn av dette vert det naudsynt å ta stilling til to hovudspørsmål:

1. Dagens vertskommunemodell oppfyller ikkje krava til eigenregi i forvaltning av IKT tenestene på vegne av andre kommunar i eit samarbeid. Dette medfører at det er naudsynt med endring i vertskommunemodellen. Ei slik endring vil vera viktig del av

den formelle styringsmodellen for samarbeidet, med eller utan utviding av samarbeidet med fleire kommunar.

2. Opptak av nye samarbeidande kommunar i IKT samarbeidet.

1. Organisering av samarbeidet på IKT-området

For å møte framtidige utfordringar foreslår ein å omorganisere samarbeidet etter kommunelova § 27. Denne ordninga oppfyller lov om offentlege anskaffingar sine krav til unntak for eigenregi. Eigenregi, som legg til grunn at deltakande kommunar har styring over organiseringa i samarbeidet, er ein føresetnad for å vera i samsvar med reglane for offentlege anskaffingar.

Loven stiller krav til at det skal være vedtekter for det interkommunale styret. Minimumskrava til kva vedtektene skal ha som føresegn er:

- a. Styrets samansetning og korleis det vert utpeika
- b. Området for styrets verksemd
- c. Om deltakarkommunane skal gjera innskot til verksemda
- d. Om styret har myndigheit til å ta opp lån eller på annan måte pådra deltakarane økonomiske forpliktingar
- e. Tre ut frå eller oppløysning av samarbeidet

Det er ikkje noko i vegen for at ein fylkeskommune eller kommune kan tiltre eit eksisterande § 27 samarbeid, men dei deltakande kommunane må akseptere det gjennom å endre vedtektene.

I eit interkommunalt styre må alle deltakande kommunar og fylkeskommunar vere representert. Styret si samansetning vil bestå av Rådmennene i kvar kommune. Utan ein slik representasjon ville ein i realiteten ha overdratt vedtak- og styringsmyndigheten til dei andre deltakarane. Når mange deltar i samarbeidet, vil styret kunne verta uhensiktsmessig stort. Det kan difor vere hensiktsmessig at Styret fungerer som eit Representantskap og kan ha eit mindre organ under seg som kan fungere som eit styre. Det høgaste organ vil framleis vera Representantskapet (styret etter reglane i Kommunelova § 27).

IKTNH har motteke interesse frå fleire kommunar i Hordaland om å delta i IKT samarbeidet til Nordhordland. Med bakgrunn i dei satsingane som no kjem i kommunesektoren, vil mange av kommunane ha ei stor utfordring med kompetanse, kapasitet og økonomi til å henge med på den utviklinga som skjer. I dette skjeringspunktet vil IKTNH kunne tilfredsstillte behova som dei interesserte kommunane har til IKT-driftstenester og -tenester, men som dei sjølv ikkje vil ha kapasitet til å drifte og utvikle. For desse kommunane vil eit samarbeid med Nordhordland regionen på IKT vera særskilt aktuelt.

2. Orientering om moglegheit for å utvide samarbeidet

Det representerer ei stor moglegheit for Nordhordland og byggje verdi på dei investeringane som er gjort på IKT-infrastruktur. Samtidig vil regionen markere seg som ein sentral og viktig part i vidareutviklinga for IKT i Hordaland. Dette er også støtta av Fylkesmannen, som ynskjer auka grad av samarbeid, slik at kommunar som ikkje har evne til å utvikla seg får eit IKT-fagleg løft.

Organisering av IKTNH som eit §27 selskap legg til rette for ei utviding av samarbeidet om det skulle vere ønskjeleg frå kommunane i Nordhordland.

Ei konseptfase vil avklare grunnlaget for ei utviding av IKT-samarbeidet med fleire

kommunar. Resultatet av konseptfasen vil verta framlagt regionrådet for eit vedtak om eventuelt å gå vidare med eit planleggingsprosjekt. Eit planleggingsprosjekt vil danne grunnlaget for ei utgreiing om eit endeleg vedtak om utviding av samarbeidet. Denne utgreiinga med forslag til vedtak vert framlagt kommunestyra i Nordhordland for endelege vedtak.

Vurdering:

Rådmannen støttar dei utviklingsprosessane som er beskrive i saka og har følgjande framlegg til vedtak:

- Lindås Kommune vedtar omorganisering av IKT Nordhordland til § 27 som eit interkommunalt samarbeid med eit felles styre og i samsvar med dei nye vedtektene som er vedlagt saka.
- Lindås kommune vedtar oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

.....